



Danmark Baptist Khrihfabu pi chungtel dihlak le Khrihfabu hawikom dawt hna

Baptist Khrihfabu pi hruaitu hna nih pumpak nan dihlak le Khrihfabu le rianttuan phu dihlak i nan ttuannak cio ah Pathian thluachuahnak le kumthar lawmhnak um ko seh tiin thla kan in cam piak hna.

Kumthlen (2019/2020) lio i kan rak i ruah lo ningin kum 2020 cu caan kan rak hman hna. Corona-raingan nih pumpak nunnak ah siseh, rianttuannak phuhna le Khrihfabu hna cu a phunphun in a kan nam. Biakinn kharnak kan tong hna i Khrihfabu le rianttuannak phu hna i cawlcanghnak le nunnak a nam i tuah tawnmi ah a herh ningin kan i tong kho hna lo, mah ticun Khrihfabu he pehtlai in sunghralnak kan tong hna.

Khrihfabu cawlcanghnak ah thilthar kan hun hmuton hna i pumhnak, Pahthian bia chimnak le Bia hrawmnak nak phunphun cu muicuang le aw (digital: video, online pumhnak hna) phun dangdang in kan i hrawm kho hna, mah thawngin “A dang dang in hmunkhat teah kan umtti ko” ti mi thinlung a kan ngeih ter kho. Muicuangin cawlcanghnak i hrawmnak thawngin bukhat le bukhat pumh kan i hrawng kho hna, mah lengah biakinn a phan kho tawn lo mi zong nih tel kho nak kan vun ngei ve.

Mah bantuk in raingan ruangah Thawngttha thanhnak thar a phunphun in sermi hi zawtnak, rai le khamnak zullhphung vialte a lonh kho tu a si i thlau le philh soal hngin loin pehzulh i zuam hna u sih.

Tukum cu tthal civui le Zaapi-Tonceihnak (General Assembly) zong kan ngei kho lo, a si nain tuah lo awk a ttha lomi thilherh hna cu (elektronisk) internet in ruahnak halnak le thimfung sanhnak kan ngei kho. A si nain pakhat le pakhat pawlkomnak nakin thazaang peknak le rian kong hmunkhat te i biaruah ttinak bel a bau i kan ngaai ko.

Khrihfabu hna kar le hruaitu hna kar i biaruahnak nih ”Kan chimning in tuah uh” ti chuahter loin, pakhat le pakhat kan i dan ningin rian kan ttuannak cio ah upatnak tu chuahter in hmunkhat ah kan i tinhmi kawltung: Khrih, a tho tthan mi kong thanh nak rianah ttuantti hna u si.

Kum 2020 i kan rak i tinhmi cu Khrihfabu hramfehnak le a rianah thazaang tthawnnak hi an si i mah he pehtlai in: Jan Kornholt hruainak in ”Vital” timi hi Khrihfabu hna nih Khrihfabu dirhnak le Pathian ram kauhternak ah hman khawh cio mi a si. Cun Khrihfabu pakhat le pakhat pehtlaihnak in siseh, hruaitu hna nih Khrihfabu lenkainak le general secretary cawlcanghnak in siseh, BASIS tiin mipi caah Pathian kong cawnnak le Studiecenter for Menighedsbaseret Teologi (SCMT) tiin Khrihfabu he pehtlaiin Pathian kong cawnnak hi teologi a kai liomi le pastor hna caah a hleiin cawnnak hna in hmalak nak neih an rak si. Mah lengah ngakchia le mino sin i zumhnak kong theihternak ah BBU he rianttuan ttinak le vulei cung i Khrihfabu ttuanvo ah bu dangdang hna he rianttuan ttinak Danske Kirkers Råd he kan ngeihmi hna cu thuk deuhin karhlan kho kan duh ko. Cawlcanghnak cheukhat hna cu kan i tinhning bangin kar an hlang kho lo, a si nain 2021 tiang pehzulh khawhnak lam um ko seh ti hi kan i ruahchanmi le kan thlacamnak an si.

Hruaitu hna i kan rian cu Khrihfa bu hna he hmuhkhat teah ze i bantuk miphun kan si zongah, kan umnak khuaram (hmunhma) le zumhnak tlaihtleng langhter ning le chim-ruahnak kan i dan ko zongah kan i pehtlaihna thazaang tthawnter chin hi a si peng. Mah kan rian muru kan ttuanchuak khawh nak hnga, ruahnak le thazaang phunphun in nan kan bomh bio naklai kan in sawm hna.

Kum thar nih a tharmi le a thawngchinmi lam – corona tel loin - a kan pek lai i kan ramah Thawngttha karhternak rian cu kan peh kho lawng hmanh si loin ram lenglei Burundi, Rwanda le Myanmar i Khrihfa rian kan ttuanti nakah tthawng chin in kan ttuan kho lai ti kan i ruahchan.

Naite i kan lawmhmi Christmas nih a kan theihter tthan mi cu Khrih kha minung ah a can nak, Pathian nih a sersiammi sin i a dawtnak le zawnruahnak a langhternak a si. Dai te le him tein a vel ah kan i diin kho, mah cu pumpak cio nih a rian kan tuan khawh nak dingah thazaang thar le ruahnak thar kan laknak si ko seh.

Pathian thluachuahnak kum thar si ko seh tiin Baptist Khrihfabu pi hruaitu nih kuttlaihna ca kan in kuat hna.

Per Beck
Formand

Vibeke Dalsgaard
næstformand

Torben Andersen
generalsekretær

Lotte Holm Boeriis

Poul Erik Bjerg

Moses Lal Bawi Peng